

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

الفاروق عمر

اداء فيحاء محمد علي

معلومات عن سيرة سيدي عمر بن الخطاب رضي الله عنه

يا قلبي ولساني
قول الخليفة الثاني
الفاروق عمر
مفتاح المعاني

العدوي النبيلا
وقريش القبيله
الهادي السبيلا
للمنكر يزيلا

اصغر من نبينا
باطناشر سنينا
كان في المؤمنينا
ورقمو الاربعينا

يا وزير الرسول
وخليفه ويجول
جسمك زاد نحول
يا فارس الخيول

يا نسيب الرسول
اب حفصه البتول
في الجنة النزول
مقام سيد للكهول

مشهور بالعداله
وكاره للجدالا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

شامخ كالجبالا
وأطول من طوالا

عظم للصحابه
وهابوه واهابا
كم في الله ذابا
وفي فتواته صابا

نظم للمراتب
ووزع للرواتب
وعين للكواتب
وأفرح للعواتب

حطم للكواسر
وعروش الخواسر
بالجند الحواسر
وذلل للعواسر

صليت يا كريم
والتسليم حميم
بالقلب اليهيم
لي طه الزعيم

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

خالد بن الوليد

اداء نجود محمد عجب

قصيدة تسرد اهم المعلومات عن سيدي خالد بن الوليد رضى الله عنه

خالد قريش الفارسا
سيف الله مسلول للجهاد
للدين مجاهد وحارسا
وعاش من ضمن الزهاد

قرشي مخزومي النسب
نصر الرسول المصطفى
بي كل راية وكل سبب
ضحى بالروح ما اكتفى

في مؤته كسر للسيوف
تسعه اسياف في القتال
في داره يكرم للضيوف
في الحرب يشبه للجبال

قايد جسور سيد اجل
صاحب كرامات ما يخاف
الحول الخمرات لخل
وشرابو للسم الزعاف

العزى جاها ودمرا
صنم الطغاة المشركين
الفرس في النار حمرا
ومسيلمة الكذاب مهين

جسمه مليان بالجروح
ما فيهو حته مفضله

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

جهاده مال ومعاه روح
بين الفوارس يقدلا

في حنين مجروح شديد
بي تفله يشفيك الرسول
بالبركة للعدوان تبديد
لابس سببباتو وتصول

جات الجيوش متعاضمه
وهرمز الرومي اللنيم
جاب انتصار الكاظمه
وهرمز الدخل الجحيم

دا السمي فرسه بالعيار
وسيفه اسمه المرسبا
في العراق حمى للديار
وسوريا حربا يكسبا

ومات بعد ستين سنه
في حمص مدفون البطل
لا خل قصرا لا بني
والخيرو للاسلام هطل

صليت على نور الوجود
سيدي الرسول الذاكرا
مولاي ارحمني وجود
واحفظني من الماكرا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

الخليفة عثمان

اداء احمد بورسودان

قصيدة تسرد اهم المعلومات عن سيدي عثمان بن عفان رضي الله عنه

الخليفة عثمان أمير القوم
زوج لرقية وأم كلثوم

قرشي وأموي كلو لطايف
طابع ربه وبالخير طايف
مولود بلدة ناس الطايف
مصيف مكة عنبا قطايف

هاشمي نسب بوالدة أمه
رابع مسلم وعذبه عمه
نصرة طه رسالتو وهمه
وفي الاسلام إتدفق دمه

هاجر حبشة مع اخوانو
أحب الله ما ارتد وخانوا
موحد لي ربو الرحمن
يقيم الليل بي كل قرآنو

عاشق لي من طاف واسرى
انفق مالو في جيش العسره
دايما جاب لي نبينا اليسرى
وكتله المات بالغم والحسره

لقبه جميل دا ذو النورين
يهاجر الحبشة مع الدورين
غيرو منو اتزوج بنتين
من الرسول النور الزين

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

مات مقتول وفي التمنين
وضجت طابه حزن وانين
بجرعة ماء الكتلو ضنين
لا اخلاق لا رجوله ودين

صلاتي عليك يا طه الماحي
سلام لي طه وقلبو الصاحي
صلاتي عليك تزيدي افراحي
تزيل الهم غمي ونواحي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

ابن ابي قحافة

اداء محمد حسن الخضر

قصيدة تتحدث عن اهم المعلومات عن سيدي ابي بكر الصديق رضى الله عنه

ابن ابي قحافة يا تاج الكرم و البر
وزير طه النبي كاتم أمور و سرو

الصديق لقب واسم الولود عبد الله
عثمان بن عامر أبوهو في السلسله
و اسم الوالده سلمى قرشي ما بتذلا
من تيم بني مره ومنو النسب يتعلا

هو اصغر من نبينا بي ثلاث سنوات
صاحب أشناق قريش ويسدد الديات
الأعتق نفوس كايس رضا وحسنات
دا العالم بالنسب وكم فسر الرويات

عندو أولاد ثلاثة وأيضا ثلاثه بنات
ومن جملة نساہ الأربعة الزوجات
ستي عايشة هي زوجة نبي الرحمات
هي أم المؤمنین في بيتا نور وآيات

قول طلحة والزبير أزواج بناتو كمان
من العشرة أيضا النالوا رضا الرحمن
وأسموهو العتيق معتوق من النيران
وأبو بكر لأنو يبكر خيرا في كل أوان

وأيضا أسلم والديه وبايعوا المختار
في عمر النبي مات الرفيق في الغار
مدفون في المدينة معا في نفس الدار
بين سيد الرسل وفاروق ونعم الجار

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الصحابة

دا صديق النبي من قبل يظهر شانو
من حرم للخمور في الجاهليه دنانو
التاجر شريف في الشام ومكة بيانو
خليفة المسلمين وأولنا في الايمان

صليت والسلام يا طه زي ما يكفي
بالمليار كمان مضروبة مليون ألفي
في عدد العالمين من بان ثم المخفي
وأضعاف ما نتج ان كان ذلك يوفي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

عبدالله بن زيد

قصيدة في مدح سيدي عبد الله بن زيد الخزرجي وصاحب رؤية الآذان رضى
الله عنه

نصر النبي والمنهج
عبد الله زيد الخزرجي
صاحب الرسول الابلج

صحاب النبي محبوبه
بالحب كان مجذوبه
رأى في المحبة وجوبه
يخشى يكون محجوبه

شارك جميع حروبه
باحث في كل دروبه
ماسح لكل كروبه
موت الرسول غروبه

رأى للآذان في نومه
أمر النبي من يومه
آذان بلال من قوله
تشریف بذلك قومه

اهدى جميع امواله
للدين والنبي وآله
قبل الاله ما بذله
لكن كمان ردت له

نال المكارم والهنا
الرفعة والنور السنا
بايع نبينا على منى

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

العقبه قرب المنحنى

في يوم وفاة المصطفى
نور البصر عندو انظفا
بي دعوة منو بلا خفا
شوفة الحبيب هي الشفا

صلي يا ملك الملوك
وملايكة ايضا في علوك
على النبي قائد تبوك
تخزي في الدارين عدوك

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الصحابة

الصديق حبيب مختار

اداء خالد الصحافة

قصيدة تسرد السيرة الذاتية لسيدي ابي بكر الصديق رضي الله عنه كتبتها بناءا
على رؤية مباركة لاحد مشاهدي قناة ساهور بابو ظبي

الصديق حبيب مختار
مدحك ربي ذي الأنوار
يوم الهجرة يوم الغار

تبارك ربي ليل ونهار
وفيضك لنا بالأنهار
ويا جارا ونعم الجار
بتقصم لنا كل جبار

ويثني بيك يا مختار
ويا شافعنا من النار
تمنع مني ذاك الضار
وتملأ قلبي بالانوار

مقامك يا عتيقنا منار
مقام لو كنت ليك فخار
تحفظ للنبي الاسرار
وجعلك قدوة للابرار

دا أول من خطب وأشار
وأول ديننا في الأشهار
وأسلم وجاهر الكفار
عتبة الضربه سكن النار

أنفق ماله في المختار
حبيبي وزينة التجار
يقيم كل ليله بالاذكار
وتبقى الجنة ليك ديار

يوم دخل الرسول الغار
قفل بي جسمه للأجار
وقط ما اهتم بالاحطار
ولدغه الافعى سما نار

واول من جمع في اطار

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

كتاب الله في اصدار
دوام صديق ولا تحنار
وقلبك ما عرف انكار

صاحب طه في الاسفار
وكل غزواته في الفجار
وامير لي حجة الامصار
وتاني في رؤية الاقمار

هو تعظيم طه بالإكبار
ويمسح ليه في الاكدار
ويمنع ليهو من أخطار
وأهل الشورى والافكار

جسمو نحيف يرخي ازار
يحب طه شعور وشعار
ماله بيعتق الأحرار
وكفن نفسه في أطمار

صلاتي والسلام الحار
علي سيد قصي ونزار
عدد ما صبت الامطار
عدد ما اثمرت اشجار

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

سيدي عمر

ايمانه عميق وعدله غمر
قول حيا الله فاروقنا عمر

الدمعه غزير صب واتهمر
في الله نظيف باطنه وعمر
جاع زي الناس لما اتضمر
جنات فردوس دخلوها زمر

دا القلبه حكيم ما بتغرر
ما قال كلمات ليها وكرر
فتح البلدان زارا وحرر
لقناة الدين يحفر ومرر

في جهاد الدين قدمه اتغبر
في القدس سجد راعع وكبر
مسكين وفقير ليهم جبر
يا ساريه الصاح ليه واخبر

عمر الياقوت واغلى واندر
في كل الخير نافس وبدر
ووزير لرسول الله اتصدر
شيخ في الجنه وهو الاجدر

فاروقنا بحر وعلمه نهر
لملوك الدنيا مثاله بهر
العاش الجوع وقيام وسهر
لرسول الله ناسب واصهر

لكهول الذمه اقال واعذر

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

العابد ربه في خوف وحذر
لا يعرف لهو ومزاح وهذر
حتى الشيطان لي طريقه يذر

هاجر يثرب لا يخشى خطر
دا الانزل بي دعواته مطر
صايم لله ما رتع وفطر
جوه الجنات ملك ومبطر

مين البقدر ليه يتجسر
طويل ومهيب وكمان اعسر
مزق كسرى وشتت وكسر
والفاتو زمانه بيتحسر

صلوات تسليم لحبيب انور
لي من في عينه سواد وهور
بي حق تنزيل آيات وسور
اكفينا هموم وضلال وخور

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

بلال بن رباح

يا بلال يا ود حمامه
سيد السودان وناسو
نرجو بيبك نحن السلامه

الطويل اسود نحيف
بي مكه مولود الصلب
قاوم الطاغى ومخيف
وفي العذاب ثبت القلب

احد احد قول يا بلال
حيرت بيها ابو جهل
لا حرقه حسيت لا كلال
لمن عدوك فيك انذهل

سيدي الصديق شراهو
من اميه ابي خلف
من سموم تعذيب نجاهو
ومن تكبر والصلف

مسئول بيوت طه النبي
واول مؤذن للرسول
يخدم لفاطمه وزينب
بالفرحه يخدم والقبول

في كل غزوات القتال
شارك بلال جميعها
والهجره والقران تال
والسنه قلبه يطيعها

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

قال رسول الله سمعت
خشخشت نعلين بلال
الجنان خشيت رتعتا
في جوار رب الجلال
كم وستين مات بلال
وفي دمشق ضريحو ظاهر
بباب صغير وبلا جدال
مثنوى الشجاع ونوره باهر

صلي ربي وزيد صلاتك
واجزل التسليم عليه
على النبي القسم هباتك
وارحم الوالده وابيهو

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

الشفاء بنت عوف

بنت عوف الشفا شهره
داية النبي في ولادته
ثم خالته لجدته زهره
لقبها العنقاء بمكة
وهي ابنة عم آمنه
داية الاظهر وازكى
وشافت الانوار لشامنا
من خزاعه الام سلمى
وهي زهرية بأبيها
زالت الانوار ظلمه
علامه تؤمن بي نبيا
قالت الشفا في ولودو
شفت نور شرق وغربا
جانا ساجد في هجودو
والنجوم من راسي قرين
وابنها الفايز مقامو
والمبشر ضمن عشره
والاله بالعز ادامو
من صحاب الاغلى بشرا
واسلمت الشفه بدري
وهاجرت نحو المدينة
ومنهم الجاهد في بدر
والولاد احباب نبينا
في حياة احمد نبينا
ماتت الداية العظيمة
ابن عوف باكي وحزينا
واعتق اموالا جسيمه
صلي يا خالق البرايا
باكمل الصلوات عليه
غرة الناس والنبايا
والسلام بالود يجيهو

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الصحابة

ثويبه الاسلاميه

ثويبه مرضعة النبي
الاسلميه من اليمن
ارضاع شهورا اربعة
عظيمه بحساب الزمن

مولوده في ام القرى
في مكة تيجان البلاد
والابن مسروح الغدا
واخوه سيد خير العباد

الجاريه للعم اب لهب
وفي مولد النور اعتقا
الرب في النار ليه وهب
من ايدو مويه بيلعقا

تتحفف النار لاب لهب
في يوم اتنين مولدو
وخفت النار اب لهب
ورسولنا مددوا بيسعدوا

ارضعت لي حمزه عمه
وقول ابوسلمه وجعفر
واذكر العباس ونعمه
وايضا اب سفيان اذكر

قال السيوطي في حقها
قد اسلمن كل مرضعاتو
وكان الرسول يكرم لها
وتاتيها من يثرب هباتو

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

عام سبعة فيهو فتح خيبر
وفيهو اتوفت ثويبه
وقبلها مسروح يقبر
وهي مولاة آل شيبه

صلي يا واهب العطايا
ومنزل الغيث من سماهو
على الرؤف نجم النبايا
الاوفى للراجي الرجاهو

ديوان القمر الهاشمي

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الصحابة

دوبيت للصحابة

أداء عصام محمد نور

راوي القول غزيره صحابتو
دوبيت لبعض صحابتو
أصحاب الرسول قرابتو
في شان الحبيب ونقابتو
منهم مغرمين بصبابتو
منهم بالهيام الكابتو
صديق هو كاتم سرو
فاروق والشياطين فرو
عثمان الهدايا وبرو
حيدر في الحرايات كرو
حمزة للكتائب شافي
عباس للسقايات صافي
وزبير شوفو سيفو الوافي
وظلحه منو قال أنا عافي
سعد خال رسول الله
وسعيد الأمور الناهي
عامر الجزيل الجاه
بنعوف الكريم الزاهي
جعفر يا حبيبو الغالي
مصعب في المقام العالي
مسعود الكتاب التالي
وبلال في البيوت الوالي
سلمان بعض أهل الدار
والمصباح تميم الداري
براء فيه ليس يداري
عمار للشهامة جدار
قداد البشير بالنصر
وأنيس الخدم البصري
وخبيب رابح في الأسر
ومعاذ عليم العصر
صلي ربي في كل مره
على تاج الكنانة ومرة
كلما طيفو خاطرك مر
نشفاق والفراق ما أمره

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الصحابة

الصحابة العاصروا أداء محي الدين أركويت واداها ايضا عبد العظيم الفاضل

الصحابة العاصروا

وإنت وين

لي نبينا وناصروا

وإنت وين

طالوا ما إتقاصروا

في الجبال أتقاصروا

في الإله إتباصروا

وكانوا نعم الناصر

بي محمد آمنوا

من حظوظم زامنوا

واهتدوا واطامنوا

من جهنم يامنوا

في العقايد أخلصوا

استقاموا وما عصوا

في العلوم اتخصصوا

في الجهاد اتربصوا

للعذاب إتحملوا

بالصبر إتجملوا

بالرسول اتزملوا

من صفاتو اتكملوا

بالغيوب ما كذبوا

في الرمال اتعذبوا

مع النبي اتهدبوا

في جماعتو اتحزبوا

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الصحابة

من ديارم هاجروا
صابرين وصابروا
مع الاله وتاجروا
طائعين ما كابروا

بي سيوفم بارزوا
للمسالمة ما أدوا
لرسولم عززوا
لي امورو وميزوا

بي نبينا اتكفلوا
بالنفوس إتنفلوا
بالدنا لا يحفلوا
في جنانم يرفلوا

لي رسولم يجرسوا
بي خيولم يترسوا
ولي كتابم يدرسوا
وللفضائل يغرسوا

صل يا صاحب الامر
على النبي وجه القمر
عد نجومك والشجر
والرمال ثم الحجر

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

ساقية الليل
أداء نبوية الملاك
ووليد زكي الدين
الхан ياسر فانتا

ساقية الليل إحسانك
أصحاب النبي فرسانك

صديق رفيق الدرب
فاروق يقود السرب
عثمان يزيل الكرب
كرار أمير الحرب

طلحه اليزيل الغما
عامر أمين الأمة
جعفر وحمزة العم
عباس بالسقيا إهتم

دبل البردوا العادي
ناس خالد والمقداد
الزبير حوار الهادي
ومعاذ ولي الارشاد

الارقم بيته الضاوي
وأبو هريرة الراوي
ابن حارثة المسك الجاوي
وصهيب وربحو حكاوي

أسيد حضير البدري
وسعيد بن الخدري
ودحية سفيرنا البدر
وأبي تلاوة الحدر

مصعب بطل في الساحة

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

وعبد الله بن رواحه
حسان يقول أمداحا
زاهر تحف وافرأحا

سعد أبي وقاص
وسعيد بن العاص
وبلال جبل إخلاص
دليل لي نبينا خواص

أذكر سلكان البازي
قول سعد بن معاذ
وعمير للأفعى حزاز
عباد حروب ومغازي

ناس أسعد بن زرارة
البايعوا المختارا
النقباء للأنصارا
إيثار وجود وجسارا

دليل ربنا عنهم راضي
الستروا الأعراض
الكملاوا الأفاض
كم عالجاوا الأمراض

حي الربوع والحجرا
ناس طيبة دار الهجره
وادي البقيع والمجرى
وقبا وأحد والشجرة

المولى وقفنا ببابو
نلقى الشفيع في رحابو
صلوات للنبي وأصحابو
والصل وا اتعافوا وطابوا

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الصحابة

أصحاب الرسول
أداء سيف الجامعة
أيضا لحنها وأداها ود البكري

دليل أصحاب رسول الله
في تعظيم نبي الله

منهم البدو والقرشي
منهم فرس روم والحيشي
منهم اليطير بالنعش
منهم هز موته العرش

منهم من تصدق مالو
الله والرسول رأسمالو
منهم من تملى جمالو
منهم في الحروب همالو

منهم قادة الايرار
منهم للجيش كرار
منهم كاتم الاسرار
بيهم تعكس الانوار

منهم مسكه فواح
منهم من يطير بجناح
منهم للرجال طواح
دليل العافو للأرباح

منهم جاهزين لتعالوا
بالروح اليسد والمال
منهم الرسولنا دعالوا
منهم يحرسولو نعالوا

منهم بالنفوس فدو هو
هاجر فارق امه وابوه

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

في الدار والحروب نصره
في قلب الجنان يطروه

دليل العظموا لرسولو
دليل اليشربوا لغسولو
شربوا الوضو المعسول
والدم والرسول يصول

منهم من يحاكي صفاتو
يطلب في النبي بركاتو
سلام للرسول وصلاة
في طيب طه ثم غلاتو

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

يا سمير وين الحبايب

يا سمير وين الحبايب
في الصحابه القلب دايب

ببدا بالصديق رفيقو
قول ابو بكر العتيقو
يفدي في غار ثور وضيقو
خايف الثعبان يعيقو

حيي طه وحيي سوره
وحيي فاروق الجسورو
كان للاسلام نسورو
وعاش في ضيق العسورو

ثم ذي النورين صهرو
والعيون في الله سهرو
ومن سلالة آل فهرو
والنفوس بالله طهروا

جاني في الالهام طيفه
قول على الكرار وسيفه
اليصوم الحر وصيفه
ويكرم المسكين وضيفه

وجابر الانصاري هايم
في النبي الصايم وقايم
قال جمال فات النجايم
في الشماليل والكررايم

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

حي زاهر ذي المعالي
كم تسر ذكراه بالي
النبي القال لا تبالي
انت عند الله غالي

الكثير بنبينا هاما
حيي صفوان ود قدامه
الصحاب في الامه شامه
ربي يكرم لي عواما

الصلاه كالغيث كابه
للوفاي الما رد دابه
بالوداد والشوق هابه
عد قلوب لله حابه

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

حكاية ثوبان

للمحب ثوبان حكاية
مولى للنبي للنهاية
وفي محبته نازله ايه

حب رسول الله نعمه
وقسمه من المولى لنا
وبالمدد والفيض ودعما
يخفف الوجد العلينا

نبقى زي ثوبان صاحبه
فاز برفقتو دنيا اخره
النبي لمقامو ساحبو
معية النبي ميزه فاخره

كان شديد الحب ليهو
وما يبصير لي فراقو
كان ينعش روجو بيهو
يرجو في الجنات لحاقو

العشوق الرب عونو
وجسمه من الهم ناكل
وحبو غير حتى لونه
عاشق المختار وكاحل

والرسول في ذات مره
قالو يا ثوبان مالك
قال حب ود فهر ومره
في الجنان اسكن جوارك

وحشه بتهد لي جسومي
وشوقي قطع لي فوادي
ابقى رمضان قاسي نومي
الا اشوف النور وهادي

زيدنا في عشقو وهيامو
وصل فارض لنا حبو
عد من للسوح رامو
وعد ما النسومات هبو

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

الاسود بن سريع

صحابي كريم وليك دل
قال الاسود بن سريع
مدحت الله ورسول الله

يروى الطبري في الاثار
رسولنا القالو امدح قول
وابدا بمدحة الغفار
واثني القول بكوني رسول

الاسود صحابي جليل
شارك في عدد غزوات
وكان للمادحين دليل
والاصحاب لنا الاسوات

والاسود تقي وشاعر
تميمي وسعدي في اصلو
بالحب والوداد شاعر
وشاهر في الدفاع نصلو

بخاري رواله في المفرد
وفي كل الكتب رسمه
ونبيننا القاله اجمل رد
يحب الرب حمد اسمه

وكان صاحبا في زمنه
يحكي في مسجد البصره
ولمن ظهرت المحن
هاجر لا يراه بصرا
ربي اكرم للصحابه
مخزن المختار في علمو
عد ما هطلت سحابه
او كتب كاتب بقلمه

صلاتي على حبيب الرب
وتسليم بي حروف نايره
عدد من جد وابن والاب
وعد من للحبيب زايره

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

ناس علي الكرار

يا سمير وبن الاحبه
ناس علي الكرار وصحبه
ببدا بي جابر حبيبو
وقال نبينا الوجهو قمره
هو انصاري وجهادو
تحت رايات آل سمره
غزوة الخندق شهودا
وجوع نبينا في قلبه جمره
وقصة الجمل اشتراه
ومعجزات شاته وتمره
ثم زاهر في هيامو
يحضنوا النبي في سلامو
وكان رسول الله بريدوا
وكان يستملح دماموا
انت عند الله غالي
قال له النبي في كلامو
لوحه والله وفريده
وتسكر العشاق مدامو
يا عشوق بشرانا بيهو
عندما النسما تهبك
حب رسول الله صافي
يهيج الاشواق وطبك
شوف سعادة القالوا
ليهو يا معاذ اني احبك
الشهيد في الشام ضريحو
واكرمو بالجنه ربك
واليحبو نبينا ثابت
وقالو حبين بحبك
العقيل هو ابن عمه
ويا عقيل المولى وهبك
المحبه بحورا واسعه
فزت لو المولى جذبك
وابقى طالب حب نبينا
حتى لو ما جاك وطلبك

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الصحابة

من مشاعر فيها داما
حب زيد وابنه اسامه
الرسول والله يخلو
في صفاته وفي الوسامه
والقلب بي حبه يحيا
ويبلغ النجمات تساما
الرسول اعطاره فايحه
فاقت ارياح النساما

في ختام مسك الصحابه
قول علي الكرار حبيبو
دا لاسد في الحرب هادر
قولي من صاغو وربيبو
دا الرسول روحه وحياته
وهو حراسو ونسيبو
قصة الحب حاجه رايحه
ليها في القلب الوجيب

المحبه شعيره باهره
وسنه لي نبي الرساله
لو عدوك بي كلمه طيبه
تلقى في الحال دمعو سالا
يا جماعه الدين مشاعر
غايه في الذوق والاصاله
والمحبه فريضه لازمه
ومنهج النبي في الوصالا

الصلاه الب الحب هايجه
للنبي الغامر قلوبنا
ما تعريدت المشاعر
او توالنت لي جذوبنا
ود سعاد ليه بتضوي
وشمعه بنتور دروبنا
وتجعل المولى ورسوله
منهما ليهم هروبنا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

أرداف النبي صلى الله عليه وسلم

اراداف النبي في ناقته القصواء
وبقية دوابه والصحبة الحظواء

هاك كشفا دقيقا بي كافة الاسماء
بي كل من رديف للحضرة الغراء

اردف ابو بكر صديقه الصديق
في الهجرة الشريفة الطلب والضيق

وابو ذر الغفاري على حماره طويق
ذا النورين ايضا صب ماله لحيق

والكرار علي اللي عدوه هو سحيق
وعبد الله بن عباس ترجمان وبلغ

واسامة بن زيد الحبه ليهو عميق
ثم ابو المليح الفي بعير ورفيق

قول زيد بن سهل الاردفه المختار
سهيل بن بيضا شهادة تنجي النار

معاذ بن الجبل والبشرى بالاخبار
حذيفة بن اليمان حقا على الغفار

عبد الله بن جعفر الخص بالاسرار
ابا هر الحبيب راند حديث ومنار

والفضل بن عباس يحمي ليه مضار
قول انس بن مالك اليخدمو كحوار

واردف بن عمه هو القثم عباس
قول زيد بن حارث وقال احب الناس

والضحاك بن ثابت دليله في الباس

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

والراوي الشريد للشعر وانفاس

والاكوع هو سلمه ليهو مسح الراس
علي بن زينب يوم مكة والفراس

وعبد الله بن الزبير الما بعرف الياس
الاتصاري جابر صاحب ارق احساس

عبيد الله بن عباس والحج عن والدين
واذكر لي صدى الاتوفى في التسعين

ود مالك عويمر الجانا بالتامين
مذكور ود اياس في اعظم التحصين

قول قيس ود سعد الكريم ورصين
وخوات بن جبير الغنى للصالحين
واولاده الكرام قول الحسن وحسين
ثم كمان معاوية قال الدعاء وأمين
اردف في العروج جبريل ذي العزوة
واردف من غفار لي جارية في الغزوة
وايضالي صفية الزوجة والسلوى
قول عقبة بن عامر الخايف البلوى

فيا رب يا كريم اوقد لنا الجذوة
قبال نرتحل والعمر راح يذوى

واكفينا الخراب والشر والنذوة
وابليس اللعين والخمر والنجوى

قال الاصبهاني في المروي والسفرا
عن هدي الرسول في غزو والسفرا

يرد ف كل يوم في الصحاب رجلا
صليت يا كرام ما امتد لي اجلا

والتسليم كثير بالشعر والزجلا
لنبينا الكريم الجانا بي النفرة
عد رمل الصحاري والحب بالوفرة
وعد ماء الفرات والنيل والدجلة

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

بنو النجار

نحن الجواري من بني النجار يا حبذا محمد من جار
شرف المكان بسيد الابرار الكرم حل وعمت الانوار

هاجت شجوني وانطرب مزماري في مدح احمد تعجز الاوتار
ضرب الظلام كثيف من استاره والليل يجلوه بزوغ النهار

مولاي اجعل داره في دار واکرم بني النجار بالانكار
وبارك لنا في الاهل والزوار والصاع والثمرات والآبار

نعم المنازل ان نزلت جوار يا حظوتي وتشرفي وفخار
رقصت حروفي دندنت اشعار والله اكرمنا بذو المختار

ضمت ربوعي اعظم الآثار والطيب والبركات والاعطار
صلاتكم كنزي وثوب دثار وبر احمدنا في يدي شعار

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

مرحبا وصف الصحابة

مرحبا وصف الصحابة لنبينا المصطفى
منبع الخيرات وبابا

جابر الانصاري في وصفو قال هو اجمل من قمر
مين اسامح مين بيصفو من قلوب الناس غمر

أم معبد في وصوفا تقول وسيم ادعج قسيم
والحروف رابعة ونصوفا لما توصف للنسيم

قال علي الكرار يوصف كل من لاقاه يحبه
كان يرقع نعلو يخصف يعرف الانسان وطبو

ابن قر في مدحو قال رايت وجهو كالغزالة
كلا ما جاوز وقال اطيب الكلمات جزالا

وبن اعشى قال فيهو ملك الناس وعربا
كلا ابدا لن نفيهو قلنا شعرا هجنا طربا
قال انس بن الزنيم وعد منو ضمان بتاخدو
دا الرؤوف وكمان رحيم رغم كيد ظالم وجاحدو
قال حسان بن ثابت نبينا مصباح للدجى
فرعو عالي واصلو ثابت وعده قاطع للرجاء
بن سالم في قصيدو قال كالبدر المنير
القليب بالحب يصيدو بي عطورو وبى عبيرو
ابن عوف قال في مديحو نور اضاء لي كل ظلامنا
شم عطور مسكو الرشيدو ربي اقبل لي سلامنا
قال عباس عمو يمدح نورو اشرق بالارض
نحن بي حب طه نربح بي سننا وبى الفرض
ربي صلي على حبيبنا والسلام بي احلى قافية
عد رماننا وعد سبيينا والكريم ارزقنا عافية

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الصحابة

مزامير الصحابة

من ملفات الصحابة المحبة عرفنا بابا
كل مياديننا ورحابا

العرفتو التقوى دابا الصحابة الدين بدابا
بالفتوح للناس حبابا وغنوة للمادح حبابا

بالصحابية هلا وحبابا والرسول حرم سبابا
منهج الريد والصبابا وزالو من عينا الضبابا

الصحابية المولى جابه منهج الدين والنجابة
دعوة مقبولة ومجابة وامة من النار حبابا

لا يصف يومان هابة كسرى والرومان اهابة
خافو من خيلا وشهابا من سيوفا ومن نهايا

اصلو مشكورات دوابا والحساب موزون ثوابا
للرسول طيب جوابا في الاذن قالت صوابا

علمو الجمل الصلابة وعزوة الناس الغلابة
لليقين والدين طلابا وحبو ود مرة وكلابا

الاله راضي وغزابا ودمر الناس الغزابا
ادبو الروم بالعذابا ومنهم الشيطان ذابا

صلي يا باسط الرقابة للنقيب عز النقابة
عد صحاري وكل غابة واكفي في النار والعقابة